

通

制

條

格

通制條格卷第四

戶令

嫁娶 至元八年二月欽奉聖旨中書省奏定
民間婚姻聘財等事

一為婚已定若女年拾伍以上無故伍年不

成

故謂男女未及婚年甲或服制未闕

之類其間有故以前後年月併計之及

夫逃亡伍年不還並聽離不還聘財

一有妻更娶妻者雖會赦猶離之

一蒙古人不在此限

至元十年正月，中書省御史臺呈陝西按察司申先奉條格，定到民間婚姻聘財內一歛有妻更娶妻者，雖會赦猶離之。欽此。照得州縣人民有年及四十無子，欲圖繼嗣，再娶妻室，雖合聽離，或已有所生，自願者合無斷罪。聽改為妻戶部議得有妻更娶，委自願者聽改為妾。今後若有求娶妾者，許令明立婚書，都省准擬。

至元二十三年七月，中書省禮部呈東平路

申馬元亨告劉友直元定與妹馬三姐作陸年
舍居壻未曾過門前去福州却娶趙安奴爲妻
擬合令馬元亨將妹別行改嫁都省准呈

大德七年十一月中書省禮部呈吉文烈告
孫邦練定問女班朶爲妻未曾成親本人犯罪
流遠欲行改嫁本部議得孫邦練未曾下財成
親犯罪流遠班朶擬合別行改嫁都省准呈

至元十六年五月中書省禮部呈清平縣樊
裕告壻劉駟兒作賊合無離異本部議得夫婦

之道人倫至重若男棄婦猶有三不出之義女子從人豈得反棄其夫叅詳樊裕元召劉駟兒作養老女壻已有所出雖曾作賊經斷似難離異都省准呈

至元十一年六月中書省刑部呈南京總管府申樊德告王招撫定問女菊花與伊男道道爲妻已下財錢其王道道見犯圖財殺害王何臧下牢收禁難與成親本部議得凡女定婚未嫁其夫作盜擬合聽離歸還聘財都省准呈

庚子年十二月十八日懷州劉海奏王榮未
反已前定女師哥爲婦不曾娶過王榮反背今
將王榮男斷與純赤海合無成親准奏反背的
人孩兒怎生將有功的人女孩兒與得劉海你
却不尋思有功的兒嫁與那甚麼

至元十二年三月中書省戶部呈近爲民間
招召女婿往往婚書上該寫年限不滿在逃百
日或陸拾日便同休棄聽從別嫁本部議得人
倫之道夫婦義重生則同室死則同穴期於永

禮記卷之四
五
父母之常也。今後招召女婿，毋得似前於婚書上該寫女婿在逃，便同休棄。聽離語句，仍令有司嚴切教諭為婚之人，依理守慎，各務本業。如有游手好閑，非理在逃人等，嚴行斷遣。都省准呈。

至元六年四月中書戶部議得男女婚姻或以指腹并割衫襟為親，既無定物，婚書難成。親禮今後並行禁止。

至元二十一年七月中書省禮部呈鞏昌府

李秀告求問令狐坤女與男思聰爲親備辦表裏頭面羊酒把定了當其女身死欲回把定等物本部議得定婚婦未娶身死元下財錢不合追還都省准擬

至元八年三月中書省戶部呈張德用告娶到王德用女月哥與男騾子爲婦將到從嫁喜仙在後騾子身故王德用爭要從嫁喜仙本部議得張德用娶到王月哥與男爲婦公房不曾斷送止有從嫁壹名已入夫家依例合令男家

驗元買價錢叁分爲率壹分給付月哥歸宗都
省准擬

大德七年六月中書省江浙行省咨今後應
嫁婦人不問生前離異夫死寡居但欲再適他
人其元隨嫁粧奩財產並聽前夫之家爲主禮
部議得除無故出妻不拘此例餘准本部所擬
相應都省准呈

大德元年五月中書省御史臺呈漢中道肅
政廉訪司申陝西民俗婚姻之家召媒求聘未

嘗許肯先喫乾羊此家未已彼家復來不惟風俗不厚而亦婚嫁艱難擬合遵用禮部定到漢人議婚納采等例又照得至元八年欽奉聖旨定到民間嫁娶婚姻聘財等事內壹款諸色人同類自婚姻者各從本俗法迓相婚姻者以男爲主蒙古人不在此例并其餘民間議結婚姻明立婚書已有元行定例其乾羊一節雖是陝西習俗比附拜門亦合禁斷庶免詞訟禮部照擬得男女婚姻各有常禮所據陝西習俗合准

臺擬禁約都省准擬

大德三年十一月中書省御史臺呈江南行
臺咨兩廣煙瘴重地比來官負染病身死拋下
妻妾改適他人將前夫應有資財人口席卷而
去况在廣亡歿官負老小出廣已有應付站船
定例今後若有身故拋下老小聽從本處官司
依例起遣還家其妻妾不得擅自改嫁如有違
犯斷罪聽離前夫家私勒令賠償絕訟源厚風
俗之一端也都省准擬

大德七年正月中書省刑部呈東昌路申陳
天祐叔住南婦一名余伴子係江南人氏不記
鄉貫幼亡父母因於黃官人船上乞覓飯食收
留不令下船節次到來御河為患病棄於岸上
即係被略良人本部議得余伴子既是幼小不
知鄉貫亦無親屬合令所在官司聘嫁良人所
得財錢就給本婦粧束都省准擬

至元十九年四月山東東西道提刑按察司
議得今後各處官司斟酌居民多寡詢問社長

人等推舉年高信實婦人爲媒須要欽依聖旨
定到聘財求娶不得中間多餘索要財禮錢物
亦不得拾分中取要壹分媒錢如有違犯之人
諭衆斷決

大德八年三月中書省御史臺呈流官到任
欺凌部民咨問室女婦人虛寫婚書捏合財錢
娶作妻妾實爲傷敗風化送刑部與禮部一同
議得外任遷轉官負時常不歸鄉里如無正妻
或乏子嗣若絕禁止不許任所求娶恐涉未便

以此叅詳今後流官如委亡妻或無子嗣欲娶妻妾者許令官媒往來通說明立婚書聽娶無違碍婦女如違治罪離異追沒元下財錢都省准擬

大德七年四月中書省禮部呈東昌路王欽因家私不和畫到手摸將妾孫玉兒休棄歸宗伊父母主婚將本婦改嫁殷林爲正妻王欽却行爭悔本部議得王欽雖畫手摸將妾休棄別無明白休書於理未應緣本婦改嫁殷林爲妻

通判作卷一
七
與前夫已是義絕再難同處合准已婚爲定今
後凡出妻妾須用明立休書即聽歸宗似此手
模擬合禁治都省准擬

至元八年四月尚書省御史臺呈陝西道按
察司申體知得京兆府一等夫婦不相安諧者
責休買休若不禁斷敗壞風俗戶部呈送法司
照得舊例棄妻須有七出之狀一無子二淫泆
三不事舅姑四口舌五盜竊六妬嫉七惡疾雖
有惡狀而有三不出之理一經持舅姑之妾二

娶而賤後貴三有所受無所歸即不得棄其犯
奸者不用此律又條犯義絕者離之違者斷罪
若夫妻不睦而和離者不坐若依臺擬甚爲允
當都省准擬

元貞元年十二月中書省樞密院呈軍人正
身亡歿戶下弟姪兒男理合承替軍役所據地
下妻室若有必合叔繼者依例叔繼如無應叔
之人從其所願禮部照擬得宜從所擬都省准

呈

通判行世
至元八年七月尚書省戶部呈照得民間招
召養老出舍女婿財錢爲無定例往往多餘索
要耽誤引訟本部議得聘財等第都省准擬于
后

一 招召養老女婿照依已定嫁娶聘財等第
減半須要明立媒約婚書成親

一 招召出舍年限女婿各從所議明立媒約
婚書或男或女出備財錢約量年限照
依已定嫁娶聘財等第參分中不過貳

分

一照得嫁娶并招召女婿婚姻聘財各有定例今後媒妁從合屬官司社長巷長者老人等推舉選保信實婦人充之官爲籍記姓名仍嚴切約束無得似前多取媒錢及濫餘設立違者治罪

至元九年七月中書省議得民間富實可以娶妻之家止有一子不許作贅若貧窮止有一子立年限出舍者聽

至元十年閏六月樞密院照得各處軍戶召
到養老出舍女壻爭訟到官多無婚書深為未
便議得今後若有軍民招召女壻須管令同戶
主婚親人寫立婚書於上該寫養老出舍年限
語句主婚媒證人等書畫押字外據貼戶正軍
承繼本戶軍名為戶頭者不得與人家作養老
出舍女壻

親屬分財 至元三十一年十月中書省禮部
呈大都路申盧提舉妾阿張告爭家財檢會舊

例諸應爭田產及財物者妻之子各肆分妾之
子各叁分奸良人及幸婢子各壹分以此叁詳
盧提舉元拋事產依例妻之子盧山驢肆分妾
之子盧頑驢盧吉祥各叁分都省准呈

至元十八年四月中書省禮部呈彰德路湯
陰縣軍戶王興祖狀告至元三年於本處薛老
女家作舍居女壻壹拾年此時承替丈人應當
軍役置到庄地宅院人口等物有兄王福告作
父祖家財均分等事本部照得舊例應分家財

若因官及隨軍或妻所得財物不在分分之限
若將王興祖隨軍掾已置到產業人口等物令
王興祖依舊爲主外據父祖置到產業家財與
兄王福依例均分都省准擬

至元十一年六月尚書戶部彰德路申褚克
衡告除與兄褚克衍將家私分另外際留與母
阿劉并老娘娘阿田養老事產有兄褚克衍拘
占不肯分割省部相度褚阿劉阿田際出養老
財產今已身死又兼同戶當軍理合諸子均分

仰依上施行

元貞元年十月中書省禮部呈衛輝路獲嘉縣人戶賈拾得告故伯父賈會首與拾得等全家祖庄住坐後爲天旱他處趁熟迴還有伯父召到養老女婿張威將房舍地土昏賴不令拾得爲主照勘得賈拾得不曾附籍本部議得張威雖於賈會首戶下附籍合將應有事產令姪賈拾得兩停分張同戶當差都省准擬

至元八年四月尚書省戶部呈揚阿馬告小

叔楊世基爲阿馬無子將訖故夫楊世明元把家財房屋并女蘭揚又將陳住兒收繼爲妾本部議得寡婦無子合承夫分據揚世基要訖楊世明壹分財產并陳住兒擬合追付阿馬收管及令蘭揚與伊母同居至如合行召嫁令楊阿馬揚世基一同主婚阿馬受財外據應有財產揚阿馬并女蘭揚却不得非理破費銷用如阿馬身死之後至日定奪爲係軍戶行下樞密院再行披詳回呈揚阿馬稱乞將亡夫財產分付

情願依例津濟當軍之人若依戶部所擬相應
都省准呈

畏兀兒家私 至元九年十二月二十日欽奉
聖旨亦都護根底畏兀兒田地裏的民官人每
根底不揀那箇城子裏畏兀兒每根底衆畏兀
兒每爺的家私多爭競廝打的上頭今已後他
的爺兒孩兒每根底與分子呵依着他爺與的
分子要者爺的言語休別了者又爺殺了的後
頭孩兒每不曾分另呵爺的錢物比及一年分

了者休過壹年者又男兒每渾家根底與休書
呵男兒的文書行者男兒的爺娘兄弟每說俺
根底不曾商量了休改嫁別人呵休闌當者偽
文書有麼道休別做文書者又不據那箇勾當
裏做了證見的人兩下裏休做證見者又女孩
兒根底嫁與了男兒之後若那女孩兒歿了呵
我的女孩兒絕了根脚也麼道休爭斷送者這
聖旨宣諭了呵聖旨裏的言語別了的畏兀兒
每有罪過者

鰥寡孤獨 中統元年五月欽奉詔書內一欵
鰥寡孤獨廢疾不能自存之人夫民之無所告
者也前詔已令所在官司於官倉內支糧賑贍
更仰各路宣撫司遵依朕意施行

中統二年正月欽奉詔書鰥寡孤獨廢疾不
能自存之人於官倉內支糧賑濟養贍仰宣撫
司令所在官司依上賑贍仍置孤老院存恤住
坐

中統五年八月欽奉聖旨條畫內一欵鰥寡

孤獨不能自存者前詔已嘗及之今仰中書省
令隨在官司勘當委實貧窮不能自存者給降
贍濟口糧有疾病命官鑿調治其藥物惠民局
支給

至元八年十二月尚書省御史臺呈隨路孤
老口糧合無於各路存留祇應錢糧內按月放
支戶部照擬得鰥寡孤獨人戶合請口糧擬令
各處際留祇應糧內正官監視支給都省准擬
至元十九年十月欵奉詔書內一欵鰥寡孤

獨老弱殘疾不能自存之人照依中統元年已降詔書仰所在官司支糧養濟仍令每處創立養濟院一所有官房者就用官房無官房者官爲起蓋專一收養上項窮民仍委本處正官一貧主管應收養而不收養不應收養而收養者仰御史臺按察司計點究治

至元二十一年六月中書省御史臺呈鰥寡孤獨不能自存之人官給口糧養濟合無添給柴薪戶部照議得養濟貧民每口日支柴伍斤

於本處年銷柴內放支都省准擬

至元三十一年中書省江浙行省咨孤老戶
鄭千三等口糧貳斗不敷擬合日支米壹升小
口減半都省准擬

大德六年四月中書省江西行省臨江路申
貧人冬衣布絮依舊例每名支給土麻布貳疋
稀疎豈能禦寒徒費官錢不得實惠合無支給
木綿布疋庶望貧民溫煖戶部議得臨江路鰥
寡孤獨貧人冬衣不出元擬土布疋數抵支單

線木綿外據紫子夏衣土布依例支付都省准
擬

大德六年六月中書省御史臺呈鰥寡孤獨
廢疾不能自存之人官給衣糧病給鑿藥然於
送死未有盛尸之具若量買棺木埋瘞生死沾
恩實補仁政戶部照得先奉省判孤老病故者
城郭週圍空閑官地內斟酌標撥爲墳官爲給
棺令孤老頭目主喪件作行人應付舉車埋瘞
合用棺板價錢於贖罰錢內支給都省准擬

大德十年三月中書省御史臺呈各處鰥寡
孤獨老弱殘疾不能自存之人本管官司并不
干碍官司體覆是實隨即收養放支衣糧等物
闕坐申覆本路正官體覆廉訪司體察但有冒
濫不應將先體覆司縣官吏取招議罪更將支
訖衣糧等物陪納都省准擬

至元三十年十一月二十八日中書省奏老
幼殘疾教化的行踏有見呵可的一般有教官
司與他每衣糧不教亂行教路官一負專一提

調呵怎生奏呵奉聖旨那般者欽此

務停 大德三年八月中書省御史臺呈百姓
爭論田宅婚姻良賤之事有經十餘年未得結
絕往往赴訴朝廷照得舊例自十月一日受理
至三月一日住接詞狀事關人衆不能結絕候
務閑日舉行比年以來凡爭田宅戶婚公事調
弄淹延直待務停及至十月終檢舉逗遛半年
又復入務積久不決冤民受害都省議得今後
應告上項公事須自下而上先從本處官司歸

理比及務停須要了畢若事閑人衆依例入務才至務開即便舉行如地遠事難又復不能了畢明立案驗要見施行次第所以不了情節再許務停一次本年農隙必要結絕不許更入務停其有見問未斷輒亂陳告本管上司廉訪司並不得受理如已斷訖陳詞告寃須追元問文卷參照衆詞若擬斷情節別無不完中間所見不同從公改議如緊閑情節未問便行擬斷委有可疑取元問官吏招伏聽別委官推理若事

可歸結不應務停及多經入務而不了本管上司廉訪司官隨事治罪若事見問而受理并已斷相應改斷者罪亦如之

訴良人口 至大四年閏七月中書省御史臺呈訴良人監押給親不便等事戶部議得今後訴良之人勘會明白委令事發官司先給公據止於所在權且羈留行移元籍取發親屬賚公文前來即便給親完聚如無親屬男子去就從其所欲婦人願召嫁者亦聽自處都省准擬

過房男女 至元二十七年五月尚書省戶部
呈議得吳越之風典雇妻子成俗已久所據乞
養過房繼嗣子女合從人便轉賣爲軀擬合禁
治都省准擬

延祐二年十一月二十七日欽奉詔書內一
款諸人乞養過房到男女如值貧乏赴所在官
司具由陳告勘當是實出給公據方許轉行乞
養過房圖利興販及轉於遠方者有司嚴行禁
治仍仰監察御史肅政廉訪司常加糾察

大德元年九月中書省御史臺呈吉州路萬戶府達魯花赤軀口馬兒過房良人王窩仔爲義男展轉爲軀擬令王寄仔與伊父完聚外據軀口過房良民擬合禁治禮部議得宜准所擬禁約都省准呈

大德三年四月中書省御史臺呈李川川告兄李六要訖阿里火者鈔伍定將川川過房與本人爲義男本臺議得民間風俗僥薄昆仲不睦比比有之且兄弟同氣比肩共有財分之人

與父母尊卑不侔別無兄得過房弟妹明文其
間爭分家財或因妯娌不睦實啓奸倖戒絕大
義如准歸宗相應都省准呈

典雇妻室 至元二十九年六月中書省御史
臺呈浙東道廉訪副使王朝請言夫婦乃人之
大倫故妻在有齊體之稱夫亡無再醮之禮庶
人固不可責以全禮江淮薄俗公然受價將妻
典與他人如同夫婦今後擬合禁治不許典雇
若夫婦一同雇身不相離者聽如此不惟人倫

漸復古風禮部議得合准王朝請所

都省准呈

嫁

次妾

至元三十一年十二月中書省御

史臺呈山東廉訪司申去歲災傷百姓飢荒以致父子兄弟離散質妻鬻女不能禁止又有指稱買休明受其價將妻嫁賣禮部議得父子夫婦人倫至重比年闕食往往嫁賣俱係違法擬合禁約都省准呈

攬配匠妻

大德八年十月中書省禮部呈大

都路申蔡阿吳係金玉局人匠蔡六妻室夫亡
拋下男添兒應當身役有本局官閔提舉服內
強將阿吳分付一般銀匠王慶和為妻本部議
得蔡阿吳夫亡已有男添兒應役其本局官服
內擅將本婦配與王慶和為妻於理未應合令
本婦離異與伊男蔡添兒依舊應當匠役都省
准擬

典賣佃戶 至元十九年十二月御史臺呈山
南湖北道按察司申江南富戶因買田土方有

地客即係良民主家科派甚於官司若地客生男便供奴役若有女子便為婢使或為妻妾今後合無將前項地客戶計取勘實數官司籍記重立罪賞禁治主家科派使令與無稅民戶一體當役又峽州路判官史擇善呈本路管下民戶輒將佃客計其口數立契典賣不立年限與軀口無異此等良民生長山谷無由告官任人苦役飢寒委可怜念其間有將些小荒遠田地夾帶佃戶典賣稱是隨田佃客公行立契又佃

客男女婚姻主戶攔當需求錢物方許成親憲
臺相度前項事理即係亡宋弊政至今未能改
革南北悉皆王氏豈有主戶將佃客看同奴隸
役使典賣男女婚嫁亦聽主戶可否之理擬合
嚴行禁約

奸生男女 至元六年十月中書右三部益都
路申李買馱拐帶陳牌子駟婦張七姑在逃奸
生二子合行隨母還主省部准擬

至元十一年四月中書省戶部呈南陽府蒲

察伯淵外軀馬僧安刁引良婦薛回奴在逃議
得薛回奴擬合斷付元夫趙立奸生兒男隨母
爲良寫立籍面差發都省准呈

至元十年十二月中書省兵刑部呈煙骸儉
與李望兒通奸私引在逃生到男女擬合男隨
父女隨母都省准擬

娼女姪孕 至元十七年七月中書省刑部呈
彰德路申娼館之家若有姪孕勒令用藥墮胎
陳吉到官將犯人斷罪娼女爲良都省准呈

軀婦爲娼 至元十三年十月中書省議得今
後贖買典雇良人爲娼賣主買主引領牙保人
等依例斷罪元買價錢一半沒官一半與告人
充賞如本人自行陳告或因事發露到官元價
盡行沒官婦人即令爲良任便住坐若有犯奸
經斷夫家棄出及倡優親屬自願爲娼者聽
均當差役 至元二十八年五月初八日中書
省奏桑哥大都的富戶每根底自己隱藏着和
買檢鈔時分不揀甚麼差發不教着却教窮百

姓每生受來別箇的官人每隱藏着來的也多有上位道是可怜見教省官人每為頭裏外大小不揀誰開庫的鋪席做買賣的人每不揀誰的都厮輪當編排着應當這般道了不當差發的隱藏着別人的重要罪過麼道奏呵那般者麼道聖旨了也欽此

偽鈔妻属 元貞元年二月中書省御史臺呈北兵馬司副指揮高貴將印造偽鈔人張閏僧妻妾何春哥等隱藏軀使犯在革前刑部議得

欽奉聖旨印造寶鈔偽造者處死首告者賞銀
伍定仍給犯人家產別無鬪沒妻屬明文合將
何春哥等發下元籍當差都省准擬

女多滄死 至元十三年七月初二日欽奉聖
旨亦都護根底塔海不花亦捏不花兩箇根底
火州呂中禿兒班爲頭貳拾肆箇城子裏官人
每根底衆僧人每根底也里可溫每根底百姓
每根底宣諭的聖旨哈兒沙沙津愛忽赤旭列
都統奏將來有火州城子裏人每的媳婦每若

生女孩兒呵多有撇在水裏滄死了禿兒迷沙
的女孩兒根底水裏撇去間速安海牙爲頭人
每拿住薛闌干不顏帖木兒兩箇根底說呵他
每的言語不肯分間首告的人每禿兒迷沙根
底却分付與了麼道奏將來的上頭速安海牙
塔失海牙狀頭每根底做百姓者今已後女孩
兒根底水裏撇的人每一半家財沒官與軍每
者首告的人每若是軀奴呵做百姓者咱這般
說來這聖旨宣諭了呵女孩兒根底水裏撇的

人面情看覩着違奉聖旨管民官每有罪過者
闕遺人畜 大德二年中書省河南行省咨汝
寧府收到李蘭奚人口頭疋內沛縣趙縣尹識
認元逃軀閻興安主奴相認是實分付收管外
已後若有似此限外識認李蘭奚人口頭疋合
無給付刑部議得已拘到官李蘭奚人口頭疋
元主識認委無詐冒合行給主都省准擬

通制條格卷第五

學令

廟學 大德九年八月初四日中書省奏各
宰丞相等伴當每說將來濟寧路曲阜縣裏有
古時起蓋來的孔夫子廟有在前那廟有瞻廟
地陸泊頃來在後兵革特分百姓每節次占了
來若不與些小田地呵不中也者那裏有的尚
珍署管的七田地內撥與伍拾頃呵怎生商量
來又看守孔夫子廟的上頭在前漢人朝代時

分有壹佰戶來後頭忽都忽那演抄數戶計時
分不教那戶計當差依舊教看守廟抄數子來
在後阿合馬坐省時分孔夫子的子孫多有只
教他每自看守着麼道將那戶計撥做軍站民
戶當差有來那戶計是自古時守廟來的如今
那戶計內除當軍站外其餘貳拾捌戶民戶教
依舊看守廟呵怎主奏呵奉聖旨那般者欽此
至元六年四月中書省御史臺呈欽奉聖旨
條畫內一欵節該提刑按察司官所至之處勸

課農桑閭民疾苦勸勵學校宣明教化若有利
害可以興除者申臺呈省欵此切詳政有似緩
而實急者學校是也蓋學校者風化之本出治
之源也照得隨路雖有設立學官其所在官司
例皆看同泛常不爲用心勸勵以致學校之設
有名無實由是吏民往往不循禮法輕犯憲章
深不副朝廷肅清風俗宣明教化之意如遇朔
望自長次以下正官首領官率領僚屬吏貞俱
詣文廟燒香禮畢從學官主善詣講堂同者生

并民家子弟願從學者講議經史更相授受日就月將教化可明人才可冀外據所在鄉村鎮店選擇有德望學問可為師長者於農隙之時如法訓導使長幼皆聞孝悌忠信廉恥之言禮讓既行風俗自尊政清民化止盜息奸不為小補都省准呈

至元三十一年七月欽奉聖旨諭中外百司官吏人等孔子之道垂憲萬世有國家者所當崇奉曲阜林廟上都大都諸路府州縣邑廟學

書院照依世祖皇帝聖旨禁約諸官員使臣軍
馬毋得於內安下或聚集理問詞訟褻瀆飲宴
工役造作收貯官物等其贍學地土產業及貢
士庄田外人毋得侵奪所出錢糧以供春秋二
丁朔望祭祀及師生廩餼貧寒老病之士爲衆
所尊敬者月支米糧優恤養贍廟宇損壞隨即
修完作養後進嚴加訓誨講習道藝務要成材
若德行文學超出時輩者有司保舉肅政廉訪
司體覆相同以備擢用本路總管府提舉儒學

肅政廉訪司宣明教化勉勵學校凡廟學公事
諸人毋得沮壞據合行儒人事理照依已降聖
旨施行彼或恃此非理妄行國有常憲寧不知
懼宜令准此

大德十年五月中書省御史臺呈與舉學校
關防錢糧等事禮部議擬事理都省准呈

一學官人品不同真偽混雜今後教官得代
如任內學糧未足荒田未開廟宇損壞
教養無實不許朦朧給由其或行止玷

缺文學踈謬就便寃停本部議得各甄
贍學錢糧令路府州縣文資長官提調
閑防知數除稟給師生修理廟宇外不
許破用教授任滿提調官照勘得別無
侵欺粘帶方許給由或在任有行止不
臧忝居師席者從廉訪司糾彈

一學校田土本以養士修學今學官職吏或
賣作荒閑減額收租或與豪家轉令僕
佃兼併及巧立名色濫行支破正奉之

外又作隨侍子弟等供本部議得詣
學田收租各隨鄉土所宜師儒俸廩自
有定例學官職吏減額收租轉令僕佃
豪戶兼并濫行支破等弊今提調長官
閏防革去

一學校錢糧本爲作養人材而設各學視爲
已物每歲派分今後除學官俸米貧士
口糧外所有錢糧計其多寡盡以養贍
生員提調正官時一下學挑試生徒具

有講說不通文理不明以次責罰在籍
儒人不遣子弟入學別習他業量事輕
重申各處提調官究治本部議得學糧
贍養師生天下通例生負多寡各隨所
宜至於試講程式教訓規程并勤墜賞
罰令各處提調正官朔望依例詣學省
視嚴行課責

一貧寒老病之士爲衆所尊敬者月支口糧
養贍明有已降聖旨所在學官多不致

承却有伎術遊謁之人挾持要取虛糜
廩粟今後仰本學推舉衆所尊敬貧老
之士欵依養贍餘盡汰去本部議得貧
寒老病之士驗各處錢糧多寡依例養
贍其間若有冒濫從各處提調學校正
官改正今後應養之士從學官列名保
舉府州司縣申覆到路體覆是實發下
本學令教官支付錢糧養贍仍牒廉訪
司體察

一學院所以教養人材嚴祀先聖先聖之所
褻瀆飲宴明有禁例間有各學容縱已
替學官將帶家小公然占住其為褻瀆
甚矣今後似此占住學校之人廉訪司
官嚴行究治并問本學官容弊之罪本
部議得各處學官携帶家屬於廟宇內
褻瀆居住者擬合禁治

皇慶二年六月御史臺伯忽大夫等官奏俺
省得的題奏有自古到今天下政事要治呵不

過是用人才不揀使誰交說呵他離不了這句
言語所謂人材者不教養呵無處得古人亦曾
說珠玉不爲寶人材以爲寶也祖皇帝於這事
上初立了臺察呵便交勸勵學校來蓋學校是
國家有益的勾當俺爲這事不輕的上頭題奏
有如今大都見設着蒙古漢人國子兩學都破
着錢物每日與茶飯有如今的生員比唐太宗
時雖是不多呵終是破用着官司錢物有端的
養出人材呵於國家有益多有若不檢舉呵錢

糧也費了人材也養不出恐不副聖上的意俺
商量來監察內時復教壹員下學照察勉勵着
行呵宜的一般監官學官自今以始都教任意
教訓生員所據茶飯并應用物色休教缺少監
官學官壹考之內驗其教養出格生員多寡以
憑陞遷博士教授助教之類有缺呵並從監官
選保不稱職任者黜退併及保官這般敦勸着
呵得人去也者教這般行呵怎生奏呵那般者
聖旨了也欽此

科舉 皇慶二年十月中書省奏為科舉的上
頭前日奏呵開讀詔書行者麼道聖旨有來俺
與翰林院官人每一同商量立定檢目來聽讀
過又奏為立科舉的俺文卷裏照呵世祖皇帝
裕宗皇帝幾遍教行的聖旨有來成宗皇帝武
宗皇帝時分貢舉的法度也交行來上位根底
合明白題說如今不說呵後頭言語的人有去
也學秀才的經學詞賦是兩等經學的是說脩
身齊家治國平天下的勾當詞賦的是吟詩課

賦作文字的勾當自隋唐以來取人專尚詞賦
人都習學的浮華了罷去詞賦的言語前賢也
多曾說來爲這上頭翰林院集賢院禮部先擬
德行明經爲本不用詞賦來俺如今將律賦省
題詩小義等都不用止存留詔誥章表專立德
行明經科明經內四書五經以程子朱晦庵註
解爲主是格物致知脩己治人之學這般取人
呵國家後頭得人材去也奏呵說的是有依着
您這定擬來的詔書裏行者麼道聖旨了也欽

此今將合開防各各條目開坐于后

一鄉試中選者各給解據錄連取中科文行
省所轄去處移咨都省送禮部腹裏宣
慰司及各路開申禮部尚該監察御史
廉訪司依上錄連科文申臺轉呈都省
以憑照勘會試

朔月貳拾日

蒙古色目人試經問伍條

漢人南人明經

經疑貳問

經義壹道

二十三日

蒙古色目人試策壹道

漢人南人古賦詔誥章表內科壹道

二十六日

漢人南人試策壹道

一會試次年省部依鄉試例於二月初一日

試第一場初二日第三日第二場初五

日試第三場

一御試三月初七日前期奏委考試官二員
監察御史二員讀卷官二員入殿廷考
試每舉子壹名委怯薛歹壹人看守漢
人南人試策壹道限壹阡字以上成蒙
古色目人特務策壹道限伍佰字以上
成

一選考試官行省與宣慰司御試有行臺去
處行省官與行臺官一同商議選差如
不拘廉訪司去處行省官與監察御史

選差山東河東宣慰司真定東平洛同
本道廉訪司選差上鄆大都從省部選
差在內監察御史在外察訪司一員監
試每處差考試官同考試官各一員並
於見任并在閑有德望文學索選官內
選差駙封官一員謄錄官一員選廉幹
文資正官充謄錄試卷并行抄文字皆
用朱筆書寫仍須設法闕防無致容私
作弊省部會試都省選委知貢舉同知

貢舉官各一員考試官四員監察御史
二員彌封謄錄對讀官監門等官各一
員

一 鄉試

行省一十一處

河南 陝西 遼陽 四川 甘肅

雲南 嶺北 征東 江浙 江西

湖廣

宣慰司二處

河東冀寧路 山東濟南路

直隸省部路分試肆處

真定路

河間路 保定路 順德路 大名路

廣平路 彰德路 衛輝路 懷孟路

東平路

濟寧路 曹州 濮州 恩州

東昌路 高唐州 泰安州 德州

冠州

大都路

大都 永寧路

上都路

上都 興和路

一天下選合格者參百人赴會試於內取中
選者壹百人內蒙古色目漢人南人分
卷考試各貳拾伍人

蒙古人取合格者柒拾伍人

大都拾伍人 上都陸人 河東伍人

真定等伍人

東平等伍人

山東肆人

遼陽伍人

河南伍人

陝西伍人

甘肅叁人

嶺北叁人

江浙伍人

江西叁人

湖廣叁人

四川壹人

雲南壹人

征東壹人

色目人取合格者柒拾伍人

大都拾人

上都肆人

河東肆人

東平等肆人

山東伍人

真定等伍人

河南伍人

四川叁人

甘肅貳人

陝西叁人

嶺北貳人

遼陽貳人

雲南貳人

征東壹人

湖廣柒人

江浙壹拾人

江西陸人

漢人取合格者柒拾伍人

大都壹拾人

上都肆人

真定等拾壹

東平等玖人

山東柒人

河東柒人

河南玖人

四川伍人

雲南貳人

甘肅貳人

嶺北壹人

陝西伍人

遼陽貳人

征東壹人

南人取合格者柒拾伍人

湖廣壹拾捌人

江浙貳拾捌人

江西貳拾貳人

河南柒人

一鄉會等試許將禮部韻畧外餘並不許懷挾文字差搜檢懷挾官一員每舉子壹名差軍壹名看守無軍人處差巡軍

一提點僻掠試院差兼幹官一員度地安置
一 席舍務令闊遠仍自試官入院後常川
妨職監押外門

一鄉會等試弥封謄錄對讀官下吏人於各衙門從便差設

一試卷不考格犯御名廟諱偏犯者非及文理紕繆塗注乙伍拾字以上

一謄錄所承受試卷並用朱書謄錄正文實計塗注乙字數標寫對讀無差將朱卷逐旋送考試所如朱卷有塗注乙字亦皆標寫字數謄錄官書押候考校合格中選人數已定抄錄字號索上元卷請

監試官知貢舉官同考試官對號開拆
一舉人試卷各人自備參場文卷并草卷各
人壹拾貳幅於卷首書參代籍貫年甲
前期半月於印卷所投納置簿收附用
印鈐縫訖各還舉人

一就試之日日未出入場黃昏納卷受卷官
送封彌所撰字號封彌訖送謄錄所
一科舉既行之後若有各路歲貢及保舉儒
人等文字到部並令還赴本鄉應試

通鑑卷五
十一
一倡優之家及患廢疾若犯十惡奸盜之人
不許應試

一舉人於試場內毋得喧譁違者治罪仍殿
貳年

一舉人與考試官有五服內親者自須回避
仍令同試官考卷若應避而不自陳者
殿壹舉

一鄉試會試若有懷挾及令人代作者漢人
南人居父母喪服應舉者殿二舉國子

監學歲貢生員及伴讀出身並依舊制
願試者听中選者於監學合得資品上
從優銓注

一別路附籍蒙古色目漢人大都上都有恒
產住經年深者從兩都官司依上例推
舉就試其餘去處冒貴者治罪

皇慶二年十一月欽奉詔旨惟我祖宗以神
武定天下世祖皇帝設官分職徵用儒雅崇學
校爲育才之地議科舉爲取士之方規模宏遠

矣朕以眇躬獲承丕祚繼志述事祖訓是式若
稽三代以來取士各有科目要其本末舉人宜
以德行為首試藝則以經術為先詞章次之浮
華過實朕所不取爰命中書省參酌古今定其
條制其以皇慶三年八月天下郡縣與其賢者
能者充賦有司次年二月會試京師中選者朕
將親策焉具合行事件于后

一科場每三歲一次開試奉人從本貫官司
於路府州縣學及諸色戶內推選年及

二十五以上鄉黨稱其孝悌朋友服其信義經明行修之士結罪保舉以禮敦遣貢諸路府其或徇私濫舉并應舉而不舉者監察御史肅政廉訪司体察究治

一 考試程式

蒙古色目人

第一場經問五條

大率論語孟子中庸內設問表理精明文

第二場策一道

以時務出題限
五百字以上

漢人南人

第一場明經

經疑二問

大各論語孟子中庸內出
題並用朱氏章句集注後

以已意結之限
三百字以上

經義一道

各治一經詩以朱氏為主
尚書以蔡氏為主周易以

程氏朱氏為主已上三經兼用古
注疏春秋許用三傳及明氏傳札

記用古註疏限五百
字以上不拘格律

第二場古賦詔誥章表內科一道

古賦
詔誥

用古体書表
用古体書四六

第三場策一道

經史特務內出題特務
不拾浮濫惟務直達限

以十字
以上

一蒙古色目人願試漢人南人科目中選者

加一等注授

一蒙古色目人作一榜漢人南人作一榜第

一名賜進士及第從六品第二名以下

及第二甲皆正七品第三甲以下皆正

八品兩榜並同

一所在官司遲誤開試日期監察御史肅政
廉訪司糾彈治罪

一流官子孫廕叙並依舊制願試中選者優
陞一等

一在官未入流品之人願試者听若中選已
有九品以上資級比附一高加一等注
授若無品級止依試例從優銓注

一鄉試題所并其餘條目命中書省議行於
戲經明行修庶得真儒之用風移俗易

益臻至治之隆咨爾多方体予至意故
茲詔示想宜之悉

至元九年八月中書省御史臺呈府州司縣
人吏幼年廢孝輒就吏門禮義之教懵然未知
賄賂之情循習已著日就月將薰染成性及至
年長就於官府勾當往往受贓曲法遭罹刑憲
蓋因未嘗誦書心術不正所致今後各處人吏
若於簿書優暇之際從各官長拘鈐就有道師
範教訓但能涉獵一經一史參通義理足以正

心修已革去趨利循情之弊庶幾涵養成材總
管府貢舉吏員取兼通經史者其州縣人吏提
刑按察司更爲體訪若委儒吏兼通謹慎行止
不作過犯爲衆推服之人保明薦舉如此激勸
使人向善去惡似爲長便都省准呈

至元十三年五月中書省吏禮部呈棣州提
領案牘李天敬言吏人不習書史有奸佞貪汚
之性無仁義廉恥之心欲求慎行止無過犯其
可得乎省部若下所屬責辨正官督勸人吏須

要通一經一史則風俗漸改以之臨民蒞事侵
漁之患庶幾少息都省准呈

蒙古字學

羊兒年三月欽奉

係元真元年

聖

旨翰林院官人每奏在先薛禪皇帝蒙古文字
不據那裏文字根底爲上交寬行者各路分官
人每与按察司官人每一處提調者好生的交
李者各路裏教授各衙門裏必闌赤委付呵翰
林院官人每委付者麼道聖旨交行有來如今
提調的官人每不好生的提調上頭李的人每

下謹慎有各衙門裏蒙古必閣赤每委付呵俺
根底也不商量了委付有更漢兒文字教的州
裏也交教去有蒙古學教的州裏也不曾教去
來交去的那般奏來如今依在先聖旨體例裏
翰林院官人每根底不商量了蒙古必閣赤休
委付者州裏也依那體例委付李正去者提調
的路分裏稟訪司官人每好生的提調者交李
者好生的李呵依着薛禪皇帝交行來的聖旨
體例裏提調來的則依着那箇體例裏提調者

文字好生的教李者教授李正必闍赤則依着
那般体例裏委付着奉文書的其間裏不揀誰
休入來者道來這般道了可不好生的提調呵
文字其間裏入去的人每不怕那甚麼

大德七年十一月中書省禮部呈翰林院闍
近年以來各處官司不爲用心以致生徒教少
李校墮廢甚失聖旨興崇之意擬令遍行合屬
依額選擇生徒標撥李校房舍令各道廉訪司
一同提調庶見成效本部議得蒙古生徒李舍

擬於係官房舍內標撥令各路正官提調雜訪
司勉勵都省准呈

習學書筭 至元二十四年十一月初六日尚
書省奏前者春裏柳林裏有時分立了國子監
官人每的怯薛歹每的兄弟孩兒每根底漢兒
文字筭了教孝呵怎生麼道奏來如今官人每
的孩兒每各有怯薛歹每的孩兒每無如今筭
子文字孝呵後頭勾當裏使喚呵勾當裏教行
呵孝的怯薛歹每的孩兒每根底交太史院裏

李昇子國子監裏李文書呵怎生長呵是那
般者麼道聖旨了也欽此

亦思替非文書 至元二十四年正月初八日
總制院使桑哥帖木兒左丞等奏前者麥木丁
說有來亦思替非文書李的人少有這裏一兩
箇人好生的理會得我則些少理會得咱每
後底這文書莫不則那般斷絕了去也麼教李
呵怎生道有來麼道奏呵麥木丁根底說者交
教者麼道聖旨了也欽此

傳習差誤 至元十年五月大司農司各道勸
農官申各路府州司縣在城閤廂已設長學外
鄉村庄各社請教冬學多係粗識文字之人往
往請隨身宝衣服雜字之類枉誤後人皆宜禁
約今後止許遵守已降條畫訓以聖經教其句
讀音義學師比反受請以來宜於州縣學官處
預將各經校正點讀句讀音義歸一不致訛舛
如此庶免傳習差誤已明經史不拘比例仍令
府州司縣官提點農事去時亦宜學師處以理

獎勵大司准擬

通制條格卷第五